




Untuk keterangan lanjut sila hubungi;

**Unit Jaringan Industri dan Masyarakat
Fakulti Pertanian, UPM,
43400 Serdang, Selangor.**


Tel: 0389474967/4808



PERTANIAN . INOVASI . KEHIDUPAN

JOM

► BERKEBUN



Tel: 03 89474967

JOM BERKEBUN

Rancangan Buku Hijau pada tahun 1974 yang diajukan oleh Allahyarham Tun Abdul Razak Hussein, Perdana Menteri Malaysia ke-2 diikuti. Rancangan Bumi Hijau pada tahun 2005 oleh Tun Abdullah Ahmad Badawi, Perdana Menteri Malaysia ke-5, memperlihatkan keprihatinan kerajaan dalam membendung krisis ekonomi dan mengurangkan inflasi dengan kempen menggalakan rakyat berkebun sendiri.

Secara umumnya rakyat Malaysia kurang berminat dalam aktiviti berkebun berbanding dengan masyarakat Barat yang menjadikan berkebun sebagai budaya hidup mereka. Kurangnya minat dikalangan rakyat Malaysia untuk berkebun mungkin disebabkan beberapa faktor. Pertama, berkebun dianggap aktiviti kotor, remeh dan membosankan. Kedua, aktiviti ini memerlukan masa, kemahiran dan ilmu pertanian. Ketiga, ruang yang terhad serta tanah yang kurang subur dan sesuai. Keempat, beranggapan perlukan modal yang agak tinggi dan tidak menguntungkan. Oleh yang demikian mereka lebih suka membeli sahaja daripada kedai, pasar malam atau pusat membeli belah.

Rata-rata dikalangan rakyat Malaysia yang berminat dan rajin berkebun bertujuan untuk keperluan dapur dan pada masa yang sama menanam bunga-bunga. Kebiasanya tanaman sayuran ditanam di bahagian belakang dan di tepi rumah, manakala pokok hiasan dibahagian depan rumah. Rakyat Malaysia yang terdiri daripada berbilang kaum dan etnik mempunyai citarasa yang berbeza dalam pemilihan pokok.

Sebagai contoh Masyarakat Melayu gemar menanam pandan, daun kari, kunyit, bunga kantan, kesum, serai, manakala pokok bunga seperti bunga kertas, bunga raya dan orkid. Masyarakat cina lebih gemar menanam limau dan delima serta bunga kemboja. Masyarakat India lebih suka menanam petola, peria, ramungai, terung, sireh serta bunga melur yang digunakan semasa upacara sembahyang.

Kebaikan berkebun:

1. Menghasilkan pemandangan indah disekitar rumah
2. Menghasilkan sayuran, buah, herba dan rempah ratus segar.
3. Menghasilkan tanaman yang sukar dibeli di pasar seperti rosmery, lavender, parsley dan lain-lain.
4. Sebagai terapi untuk kesihatan
5. Menggeratkan hubungan dikalangan keluarga dan jiran tetangga,

Contoh tanaman :

Sayuran daun seperti bayam, cekur manis, sawi, kailan, kangkong, kobis dan salad.

Sayuran buah seperti cili, kacang panjang, kacang buncis, bendi, terong dan tomato.

Ulam/herba seperti pegaga, pudina, selom, ulam raja, serai, kunyit, halia dan ketumbar.

